



## Indgæet

- 7 MAR. 2017

Anthon Frederiksen  
Inatsisartunut Ilaasortaq, Partii Naleraq

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

### Ilinniarnermut atatillugu suliffeqartarneq pillugu § 37 malillugu apeqqut 096

23-02-2017  
Suliap nr.  
Allakkat  
nr. 4626258

Asasara Anthon Frederiksen

Inatsisartut suleriaasiat naapertorlugu ilinniarnermut atatillugu suliffissaqartarneq pillugu  
apeqqutigisannut qujanaq. Apeqqutit matuma kinguliini akissavakka.

Postboks 1029  
3900 Nuuk  
Oqarasuaat: +299 34 50 00  
Allak.: +299 32 20 73  
Email: ikiin@nanoq.gl  
www.nanoq.gl

**Apeqqut 1:** *ilinniartut ilinniarnermut atatillugu sungiusarfissamik qulakkeerinneqqaartarnissaannik piumasaqarnerup allanngortinneqarsinnaanera Naalakkersuisut qanoq isumaqarfigaat ?*

**Akissutit:** Naalakkersuisut ilinniarnermut atatillugu suliffissaqartarneq pillugu unammilligassat eqqummaariffigilluinnarpaat ilaatigullumi misissornialerlugu inuussutissarsiutinut ilinniartitaanerit pisariinnerusunngortissinnaanerigut, taamaalillutik ilinniartut inuussutissarsiortullu piumasaqaataannut tulluarnersinnaassammata. Tassunga atatillugu soorunalimi aammattaaq ilinniarnermut atatillugu suliffissat amigaataanerannik ajornartorsiutaasut puigorneqassanngillat.

Toqqarlugit sulissutiginiarneqartut aallartinneqareersut ilagaat ukioq ataaseq tunngaviusumik ilinniartitaanerit, tassani ilinniartunngortut periarfissaqarlutik ilinniarnermut atatillugu suliffeqalernissamik ilinniartitaanerup ukiuisa aappaannut kinguartinnissaanut. Taamaalillutik tunngaviusumik ilinniartitaanertik naammassiniartillugu ukiumik ataatsimik periarfissaqalerput ilinniarnerminnut atatillugu suliffissarsiornissaminnut.

**Apeqqut 2:** *Inuusuttut ilaat pikkorissarnermut imaluunniit suliffittaarnissamut piumassuseqaraluartut, ineqannginneq pissutigalugu pikkorissaqataasinnaanngitsut imaluunniit suliffittaarsinnaanngitsut, ilinnialernissamut, pikkorissarnermut imaluunniit suliffittaarnissamut qanoq periarfissaqarpat ?*

**Akissutit:** Ilinniartut inaat pillugu nalunaarut malillugu ilinniagaqartut ilinniartut inaanni inissaqartinneqartussaapput. Tamannalumi atuupportaaq inuusuttunut illoqarfimmit angerlarsimaffigisaminnit ilinniartitaanerminnut atatillugu illoqarfimmut allamut nuuttunut.

Ilumoorpoq inuusuttut illoqarfimmi ilinniarfigisassaminni najugaqareersut tamatigut inissaqartinneqartanngimmata, tassami inissat pissutaallutik taamaaliortoqarsinnaasanngimmat. Kisiannili ajornartinnagu pissutsit immikkut ittut sianiginarneqartarput, pingaartumik inuuniarnermi pissutsit.

Naalackersuisut ilisimasaqanngillat ilinniarfinnik pikkorissartitsinernilluunniit peqataassagaanni aalajangersimasumik najugaqaqqusisunik. Naalackersuisut ilisimasaqanngillattaaq atorfinitsitaassagaanni aalajangersimasumik najugaqaqqusisoqartarneranik.

Inussiarnersumik inuulluaqqusilluta

  
Doris Jakobsen